



Broj:09-20-11-2-1697

Datum: 08.10.2020. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2020.godinu, zamjenik direktora Federalne uprave policije, d o n o s i:

ODLUKU

o izboru najpovoljnijeg ponuđača nabavke: Tekuće održavanje i popravak helikoptera za LOT 2

1. Na osnovu obavještenja o nabavci objavljenog u „Službenom glasniku BiH“, broj: 52/20 od 21.08.2020. godine proveden je pregovarački postupak sa objavom obavještenja o nabavci, u predmetu nabavke: Tekuće održavanje i popravak helikoptera.
2. Na predmetnu nabavku za LOT 2, zaprimljene su dvije ponude i to od ponuđača: Avioservis IKAR a.d. Banja Luka i SHOT d.o.o. Zenica.
3. Komisija je utvrdila da ponuda ponuđača SHOT d.o.o. Zenica, za LOT Nabavka sklopa donjeg lijevog pleksi stakla na helikopteru BELL 206B, sa cijenom od 18.800,00 KM bez PDV-a, odnosno 21.996,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku nakon provedene e-aukcije od 07.10.2020. godine.
4. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 1412-3-1-179-3-80/20 od 18.08.2020. godine
5. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.
7. Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2020. godinu, imenovana Rješenjem zamjenika direktora Federalne

uprave policije, broj: 09-19/1-30-2-112 od 13.02.2020. godine, postupila je shodno obavještenju o nabavci koji je objavljen u „Službenom glasniku BiH“, broj: broj: 52/20 od 18.08.2020. godine, po osnovu čega je proveden pregovarački postupak nabavke u predmetu nabavke: Tekuće održavanje i popravak helikoptera, podijeljena na lotove i to: LOT 1- Nabavka rezervnih dijelova i potrošnog materijala za helikopter BEL 206 B, LOT 2 – Nabavka sklopa donjeg lijevog pleksi stakla na helikopteru BELL 206B i LOT 3 – Ugradnja sklopa donjeg lijevog pleksi stakla na helikopteru BELL 206B. Procijenjena vrijednost za LOT 1 – 22.000,00 KM bez PDV-a, LOT 2- 20.000,00 KM bez PDV-a, LOT 3 – 4.000,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača Avioservis IKAR a.d. Banja Luka i SHOT d.o.o. Zenica. Komisija je dana 15.09.2020.godine uputila Pozive kvalifikovanim ponuđačima za dostavljanja početnih ponuda u skladu sa navedenim rokom ponuđači su dostavili svoje početne ponude. Komisija je uvidom u iste konstatovala da su ponude ponuđača ocijenjene prihvatljive što je konstatovano u Zapisniku broj: 09-20-11-2-1697 od 22.09.2020. godine. Pregovori sa ponuđačima obavljani dana 23.09.2020.godine, o čemu je također sastavljen Zapisnik broj: 09-20-11-2-1697. Poziv za konačnu ponudu upućen je ponuđačima Avioservis IKAR a.d. Banja Luka i SHOT d.o.o. Zenica. Komisija za provođenje postupka nabavke na sastanku održanom 01.10.2020. godine, izvršila je analizu konačne ponude o čemu je sačinjen Zapisnik broj: 09-20-11-2-1697 od 01.10.2020. godine, a nakon provedene e-aukcije i izvještaja o toku i završetka iste broj: 1412-3-1-179/20 od 07.10.2020. godine i Zapisnika broj:09-20-11-2-1697 od 07.10.2020.godine, konstatuje činjenično stanje i daje preporuku rukovodiocu organa da donese odluku o izboru najpovoljnijeg ponuđača za LOT 2 – Nabavka sklopa donjeg lijevog pleksi stakla na helikopteru BELL 206B, ponuđaču SHOT d.o.o. Zenica cijena 18.800,00 KM bez PDV-a, odnosno 21.996,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa.

PRAVNA POUKA

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik o ocjeni konačne ponude
- Zapisnik o e-aukciji

Dostaviti:

- Sektoru za mat-fin poslove
- ponuđačima
- u spis

